

TOHAKTIYOTIKHAK



Kilamik Tohaktitjutighak

NTI-kut Katimayit Angikatigiktot uminga Nunavunmi Inuit Hila Allangukpaliatitlugu Parnaiyaotaatnik

Iqaluit, Nunavut (June 8, 2026) — Nunavut Tunngavik Timingat (NTI-kut) koviahuktot tohaktiyomavlutik tapkuninga Nunavunmi Inuit Hila Allangukpaliatitlugu Parnaiyaotaatnik (NICAP) aniktaohimaliktok tahapkunanga NTI-kut Katimayitnin. Una angikutaat tahaffuminga NICAP aolaktigiyat una hivunikpanguvlugit Inuit-hivulikhutjuk hila allangukpalianinganik havagiyaoyughak Nunavunmiut ihomagivlutjuk tatvalu hatkitjutaoniaktok havagiyaovaliyughanik kiotjutigitlutjuk tahapkua ikpingnaghivaliyot hila allangukpaliatitlugo tahapkunani Inuit nunaliitni.

Tahapkua inukhiit takkughautitlugit Inuinait humilikak Nunavunmi, tahapkua NICAP katighutaoyut ikkayotaovlutik hivuliotiyagiaktunik, ihomagiyaloaktonik, tatvalu nigigiyayunik hila pitjutigitlugo havagiyaoyoghanik. Hivunighitjutigiyagiaktat hapkua NTI-kut hivuliktiit, ikkayoktigiktot, tatvalu maligaliokhimayonik havakaktot hila pitjutigitlugo, ihomagiyagiaktat tatva hapkua Inuit ihomagiyait huli ataniktutaoyagiaktot ihomaliokutaolutik.

Tahamna NICAP havagiyaohimayok pikatigivlugit hapkua Nunavunmi Inuit nunaliitni ikkayoktigivlugit tahapkua Aviktoghimayoni Inuit Katuyikatigit. Hatkitjutaohimayot tahapkua tamatkiomayonik Inuit hivuliktaitnik havagiyaoyonik hivunighitjutighanik tahapkuninga kiotjutaohimayonik ikpigiyaovaliyonik hila alangukpaliatitlugo humilikak Nunavunmi.

Tahapkua Parnaiyaotait ihomagiyayot hitamat hivuliotiyomavlugit naunaiyakhimayait hapkua Inuit:

- Iliitkuhiktotit, Ukhauhiit, Nunaliit tatvalu Angilgavgiyait
- Anniaktailitjutit tatvalu Innutiakutit
- Avatilikinikut Munagitjutighat

“Hilap alangukpalianinga ikpigiyaovaliyok nunaliitni ublumi. Una parnaiyaotighak naunaiykutaoyok hapkua Inuit unnikhiotighimayaitnik hapkuninga hivuliotitkuyaitnik, ihomalutaitnik, tatvalu nigigiyaitnik hivunighami. Tahapkua tungavioyut Inuit kaoyimayaitnik tatvalu iliitkuhiitnik, tatvalu, naunaitiakhimayonik hivunighitjutigiyagiaktavut havagilugit.” Gloria Uluqsi, Angayokanguhaak, Nunavut Tunngavik Timingat.

Una Parnaiyaotait huli illaliothimayat tahapkua ihaughautighat havaghaitnik ikkayotighanik hivuliotitlugit tahapkua Inuit hivuliktait hilap mighagot havagiyaoyoghat. Tahamna havagiyaoniaktok huli ihuaghaktaohimaakniaktok ikkayokatigitlutik tahapkua NTI-kut havakvigiyaait tatvalu hapkua pikataoyot Aviktoghimayoni Inuit Katuyikatigit tahamna ihuaghaotighat havagilikatjuk.

Tatkikhioitit kaiyuni, NTI-kut havakatiginiaktait tahapkua Aviktoghimayoni Inuit Katuyikatigit, Inuit Timigiyaait, Kavamatkut, ikkayoktigiyaitlo hivuliotinahuaklugit hapkua havaghat naunaiyakhimayot tatvani Parnaiyaotini ikkayogahuaklugitlo Inuit havagiyaait hilap alangukpalianinganik mighagot humililak Nunavunmi.

Tohakovighak:

Annie Thomlinson Ataniat, NTI-kut Tohaktitlikiyiit, media@tunngavik.com